



Broj: 05.3.34 - 7205/21
Sarajevo, 08.11.2021.

Predmet: Rezultati laboratorijskih analiza uzoraka vode uzetih sa poplavljenih područja i lokalnih vodovoda na području Kantona Sarajevo

05.11.2021.godine zaposlenici JU Zavod za javno zdravstvo Kantona Sarajevo izvršili su higijensko-epidemiološko izviđanje poplavljenih područja na teritoriji Općine Ilidža (M.Z. Butmir, M.Z. Kotorac, M.Z. Rakovica. M.Z. Vlakovo i M.Z. Otes) i pri tom je izvršeno uzorkovanje 5 uzoraka vode iz sistema gradskog vodovoda u kućama koje su prema higijensko-epidemiološkoj procjeni bile najugroženije. Rezultati analiza tih uzoraka na mikrobiološke i fizičko-hemijske parametre su bili u skadu sa Pravilnikom o zdravstvenoj ispravnosti vode za piće („Službeni glasnik FBiH“ 40/10, 43/19, 30/12 i 62/17).

Stanovnicima poplavama ugroženih područja podjeljeni su letci sa preporukama JU ZZJKS kako se ponašati „Prije, nakon i u toku poplava“. Preporuke i savjeti kako se ponašati i zaštititi u ovakvim uslovima dati su i usmenim putem, a sve u cilju sprečavanja pojave zaraznih bolesti koje se prenose putem vode.

07.11.2021. godine zaposlenici Zavoda izvršili su vanredno uzorkovanje vode iz sistema lokalnih vodovoda. Uzorkovanje i terensko izviđanje na području Kantona Sarajevo je izvršeno na slijedećim lokalnim vodovodima:

- L.V. Općine Centar (Mrkovići, Radava, Kokorevac, Muharemovići, Nahorevo Stijena)
- L.V. Novi Grad (Ahatovići i Rječica)
- L.V. Ilidža (Kobiljača I i Kobiljača II)
- L.V. Vogošća (Blagovac, Tihovići, Krivoglavci II, Donja Vogošća, Svrake-Paljevo i 7.Vrela)

Analitički Izvještaji na fizičko-hemijske parametre pokazali su da od 16 analiziranih, 11 uzoraka vode NIJE ZA PIĆE zbog povećane mutnoće i boje koja nije prihvatljiva za potrošače. Nakon prekonoćne mikrobiološke inkubacije, 12 uzoraka vode je bilo pozitivno na prisustvo *Escherichia coli* i koliformnih bakterija, a kod 4 preostala uzorka zbog sumnje na prisustvo istih bakterija produžena je inkubacija, te će se konačni rezultati za ove uzorke i preostale mikrobiološke parametre izvijestiti zaključno sa srijedom.

Sarajevo, 08.11.2021.godine



Adresa: dr. Mustafe Pintola br.1, 71210 Ilidža
Tel/fax: 627-889; 624-470
web: <http://www.zzjzks.ba>
e-mail: gzavod@bih.net.ba

